

¡BOMBA!

Se requiere decisión
ante tan negro destino:
si por buscar un tren “chino”
provocarán recesión



K'uintsil

Martes 11 de marzo de 2025

CAMPECHE · YUCATÁN · QUINTANA ROO · AÑO 10 · NÚMERO 2435 · www.lajornadamaya.mx

Japóne' táan u konik arroz u líik'smaj ti'al talam k'iino'obe', tumen ts'o'ok u jach ko'ojtal ba'ali'

Afp / 22
Oochel Ap



Le lunes máanika', u jala'achil u noj lu'umil Japóne', káaj u konik arroz u líik'smaje' ti'al u yilik wa je'el u yáantik kaa'je', tumen walkila' táan u bin u ko'ojtal u tojol le janal je'el suuk u k'a'abéetkunsal te'el lu'umil je'elo'.

Yóok'olal le seten ooxol tu beetajo', jp'áat minaan le arroz' tumen ma' béeychaj u jo'ochol tu beeli', le beetike' óoli' ka'aténchaj u tojol tu jo'olaj jump'éeel ja'ab.

Beyxan ku tukulta'ale', yaan kúuchilo'ob koonole' táan u líik'siko'ob arroz yaan ti'obe' ti'al u páa'tiko'ob u jach ma'alob k'iinil u koniko'ob.

Uláak' ba'ale', u jala'achil noj lu'ume', tu k'a'aytaj tu winalil agosto máaniko', yaan u sajbe'entsil u jaats' jump'éeel «megaterremoto», le beetike' yóok'olal saajkile' yanchaj ya'abach máak tu xchukul mantaj arroz te'el k'iinako'obe'.

U noj lu'umil Japóne' u líik'smaj kex óoli' jump'éeel millón u toneladasil arroz ti'al k'iinilo'ob kéen talamchajak ba'al.

Le beetik túune', noj lu'ume' ts'o'ok u yantal u ch'a'ak le arroz u líik'smajo', ba'ale' yáax juntéen u k'a'abéetkunsal yóok'olal talamilo'ob ku yantal ti' meyaj ku beeta'al ti'al u béeytal u k'ujasal arroz tak tu'ux k'a'abéet.

Ministerio de Agriculturae' unaj u jets'ik antes ti' le miércoles ku taala', máax ti' ken u ts'áaj le 150 mil toneladasil arroz yaan, tumen unaj u k'ujasal tak tu kúuchilo'ob koonol, jach u xanile', ti'al u ts'o'okbal marzo.

Beey túuno', ministerioe' tu ya'alaje', wa tumen k'a'abéetchaje' yaan u jóok'sik uláak' kex 60 mil toneladasil arroz.